

л. 47 об.
<30 об.>

даго рубища,* покрыти нагия плещи своя,* всю вселенную обогащая* и винограды учащая,* и повелѣниемъ его вся тварь* служить намъ и повинуется,* протираетъ ти десницу* и просить единыя мѣдницы;* гром творяй и молнию* и содержай горьстию всю тварь* яко Бога ты молитъ* и «помилуй мя, страннаго» глаголетъ,* // «напой и накорми ради своего душевнаго спасения!»* Ты же, окаянне и звѣрообразне,* изувѣро поглядаеши,* вѣждами яро возводиши* и со гнѣвомъ бездѣлна его отсылаеши.*

л. 48 <31>

Вѣтри и море послушаютъ его,* и вся тварь со страхомъ и трепетомъ повинуется ему!* Ты же, человѣче, единъ сопротивоборень еси:* заповѣди его преступаеши* и от страннаго Христа волею насъ ради,* аки аспидъ глухий уши свои затыкаеши* и всячески немилосердиемъ дышеша.* Херувими и серафими со ужасомъ предъстоятъ ему* и лица своя закрываютъ,* не терпяще зрѣти славы его!* Тобою же, немилосерде, отвсюду небрегомъ,* пѣхаемъ и поругаемъ,* уничижаемъ и безчестимъ.* Иже разбойнику рай отверзе* и во Царство Небесное всѣмъ намъ путь показавый* спасения ради нашего, страненъ бысть волею,* не имѣя здѣ на земли гдѣ главы подклонити,* у вратъ дому твоего нагъ стоя,* от зымы померзаемъ, тряыйся* и голодомъ истаяваемъ,* и умиленно вопиетъ ти, гласы изменяя,* да ты на милость преклонитъ;* просить и молитъ* // во единой от меньшихъ храминъ твоихъ обогрѣтися* иже всю поднебесную просвѣщая и согрѣвая.* Глаголетъ бо: «Единому от меньшихъ братии моихъ сотвористе,* — мнѣ убо^в сотвористе».*

Не вѣси ли, человѣче,* яко всякъ убогий во Христа облеченъ,* якоже и апостоль Павелъ свидѣтельствуетъ, глаголя:* «Елицы во Христа крестихомъся,* во Христа облекохомъся».* Велика, убо, братие, тайна сия.* Иже убо кто брата своего оскорбитъ или заушитъ,* равну часть приметъ с распинающими Господа,* понеже во всякомъ христианине сокровенъ есть Христосъ,* якоже и во Евангелии глаголетъ:* «Ядый мою плоть и пий мойю кровь* во мнѣ пребываетъ, и азъ въ немъ». //

л. 48 об.
<31 об.>

Лѣта 7175-го году месяца априля въ 6 день сей покаянный изложенъ тѣмъ же сквернымъ и многогрѣшнымъ рабомъ, еже напереді писано. Начало же имѣетъ той покаянный сице: «Весь от страстей безмѣрныхъ содержимъ есмь». //

л. 49 <32>

Покаяненъ^д. Подобен: Радуйся*, живонос[ный] кресте. Покаянен

^вВесь от страстей^г безмѣрныхъ содержимъ есмь* азъ окаянный,* сладострастиемъ страсти породихъ,* убогую свою душу осквернихъ* и пристрастиемъ прелестнаго вѣка сего* лють обуреваемъ есмь;* якоже во темное гробище поверженъ низълежю* азъ, неключимый и отчаянный.*

Но ты убо, Господи Боже мой,* иже изволивый за спасение наше* от Пречистой Девы Марии воплотитися,* и страсти волею от беззаконныхъ претерпѣлъ еси,* и во гробъ плотию почивъ, яко живоносецъ,* и воскресе тридневно, яко всесиленъ,* совоскресилъ еси с собою вся иже от вѣка умершия,* призри, Творче, и на мое унылое рыдание* и горькое воздыхание,* воздвигни мя, падшаго* во темнотехъ мимотекущаго свѣта сего,* и настави мя на стезю спасения,* и твоею страстию безстрастие ми даруй,* яко да во гласъ хваления* истиннымъ духомъ пожру ти.

(РНБ, Q.I.401, л. 56, 44—49)

^в Вписано иным почерком над строкой. ^г Написано почерком основного текста, но более светлыми чернилами, в конце строки, заходя на правое поле. ^д Написано иным почерком на реставрированной бумаге. ^е Написано иным почерком на реставрированной бумаге.